

gesinde / an vnd zugehörigen folgern / Der
ersten Königinnen / Hamburger Bier ge-
handt.

Nu wollen wir procedirn vnd forts-
fahren zu setzen / von der andern Königin /
Dantzcher Bier genandt / welches vnter
den Gersten Bieren / Prinzin ist / die ober-
hand vnd Regierung hat / Dieser Königin
Hoffgesindt / an vnd zugehörige folger /
sein alle andere Biere / in Teudsch vnd an-
dern Landen / so von Gersten gebrawet
werden / deren wir in diesem büchlein / das
mehrtheil in Teudscher Nation / so viel
vns möglich / vnd wir wissen vnd kenne-
n / erzelen vnd setzen wollen.

Dantzcher Bier in Preussen / Eine Königin aller andern Ger- sten vnd Kotten Biere.

Das gleich in Preussen / viel köst-
licher guter Biere hat / so vber-
trifft doch das Dantzcher Bier
sie alle / Der gestalt vnd also / das
auch kein stercker Bier vnter allen Gersten
Bieren / in ganz Teudschlanden gefunden
wird / welches man leichtlich kan vnd muß
nachgeben / Denn des Dantzcher Biers
gleichen wird nicht gefunden / man halte
vnd sage dauon / was man wölle.

Diß Bier hat eine gute schöne farbe /
guten geruch / guten geschmack / gute sub-
stanz /

f ij

stanz /